

Universitätsbibliothek Paderborn

**De Honore, Dignis Vel Indignis, Jvste Vel Invste, Deo
Semper Jvstissimo, Dato, Negato, Violato**

Stengel, Georg

Ingolstadii, 1650

§. 5. Plurimos, per infamiam, & quidem etiam sanctissimos ad gloriam duci.

[urn:nbn:de:hbz:466:1-48689](#)

436 Cap. XX. Aliquos, post mortem,
tes, potestati obtulerunt, casum exposuerunt,
innocentia eius, ac simplicitati testimonium bo-
num perhibentes. Quem cum index inducere
non posset, ut furem publicaret, capituli senten-
tia super eum data, ante fores maioris Ecclesie,
tamquam sacrilegij reus, decollatus est; cuius
corpus a quibusdam in eodem loco sepultum est.
Nocte sequente, cum quadam religiosa matrona
civitatis ad Ecclesiam, propter matutinarum so-
lemnia irent, venissentque ad tumulum eius,
cantus angelicos illic audierunt, cereos arden-
tes viderunt, insuper & suauissimi odoris fra-
grantiam senserunt. Quod cum secunda, & ter-
tia nocte pleniū compserissent, que audierant,
vel viderant, seu etiam senserant, Episcopo ci-
vitatis retulerunt. Qui cum esset vir religiosus,
aliquibus secum assumptis, cum nocte quarta
esse ita, ut mulieres dixerant, experimento di-
dicisset, super tumulum hominis Dei basilicam
fabricari fecit, & sunt ibi miracula usq; ad ho-
diernum diem, ad laudem nominis Christi.

§. V.

Plurimos, per infamiam, & quidem etiam san-
ctissimos, ad gloriam duci.

Quid his talibus exemplis vult diuina sa-
2. Cor. 6. pientia aliud, quam ut in omnibus exhibea-
4. mus nos metipso sicut Dei ministros, in multa
patien-

patientia, in tribulationibus, in necessitatibus, in angustijs, in plagijs, in carceribus, &c? per gloriam & ignobilitatem: per infamiam & bonam famam, &c. Nemo desperet, nemo pusillanimis fiat, si oculis humanis despiceitur, si suspicionibus petitur, si temeratur iudicijs, si nomen illius vbiq; diffamatur; si denique morti addicitur innocens; nouit Deus indicium vniuscuiusque, tamquam meridiem, Psal. 36. 6;
 & institiam, tamquam lumen educere. Sicut enim Christus, qui à Iudæis toties spretus & illusus est, in monte Thabor resplenduit, instar solis, & alij sancti antè humiliati, quam exaltati sunt; ita ijs contingit, qui honorem, nomen, famam, amore hominū, ipsam vitam innocenter amittunt. Humiliantur, vt exaltentur: affiguntur, ne mercedem hīc accipiant; aut ne illecebris insecati, cælestia bona minus desiderent. Vi-
 tes, quæ putate non fuerint à vinitore, ait S. Hieron.
 cap. 10.
 Olea.
 S. Hieronymus, in flagella fronde q̄, luxuriāt, & humorem, quem debuerant in vina mutare, vana frondium & foliorum ambitio-
 ne disperdunt. Esto ergo lachryment palmi-
 tes, cùm secantur, tanto tamen copiosio-
 rem vindemiam proferunt. Sic homines,
 euntes ibant, & flebant mittentes semina sua, ve-
 Psal. 125.

Ecc 3

nientes 6.

438 Cap. XX. Aliquos, post mortem,
nientes autem venient cum exultatione portan-
tes manipulos suos. Metuunt sancti, in pro-
speritate, nōrunt minantis vocem esse: Di-
Ila. 5; 6. mittam vineam meam, & non putabitur, nu-
fodietur. Talem igitur se se esse putet, qui
non putatur. Parua vulnera libenter fer-
rem, inquis, sed famam sauciari, sed nomē
lædi, sed in carcerem mitti, sed occidi, in-
tolerabile est. Vocant me hypocrytam, cūm
oro; Pharisæum, cūm eleemosynas largior;
auarum, cūm frugaliter viuo; furem, cūm
non soluo, quæ non possum; imputant mi-
hi impuritates, libidines, adulteria; coram
magistratu me accusant: damnor, duco;
æterna mihi posterisque meis nota inuritur.
Hæc omnia, si innocens es, scito tibi ad
gloriam futura, sicut colono Voburgensi,
sicut Marcadello calumniæ, in honorem
cesserunt. Numquid & ille hypocrita voca-
tus, & iste tamquam fur damnatus fuit? Et,
Gen: 44. si sacras repetere historias placet, numquid
12. & Beniamin de scypho ablato accusatus est?
Gen. 39. numquid de adulterio Ioseph? numquid
14. Susanna à senibus coram magistratu, &
Dan. 13. amicis, & tota ciuitate, fuit de adulterio
41. mortis rea declarata, atque iam ad supplicium
tamquam infamis mœcha abducta? At
quante

quanto honore reducta, & innocens, casta,
heroiceque constans declarata? Numquid
& ipsam Dei Matrem prægnantem dimitte-
re voluit Ioseph? Numquid Christus ipse
cum inquis deputatus, & in medio latro-
num, tamquam homicidarum princeps, in
crucem suspensus? quid patibulo magis in-
fame? At quantus nunc Virginitati Mariæ
passim decantatur honor? quanti triumphi
Christo sunt decreti? Tibi igitur quoque,
quisquis innocens es, & pateris more no-
centis, Deus honorem restituet. Quod si in
hac vita id non facit; facturus est tamen,
coram toto Mundo, in Iudicio vniuersali;
in quo, sicut multi, qui nunc Sanctorum in-
stare coluntur, tunc reprobandi; ita qui cum
ignominia deceidunt, cum gloria appare-
bunt. Tu tantum renela Domino viam tuam, Psal. 36. 5.
Et spera in eo; Et ipse faciet, Et educet quasi
lumen iustitiam tuam, Et iudicium tuum,
tamquam meridiem. Omnes martyres, tam-
quam rei, immò tamquam religionis & deo-
rum extirpatores, infamissimis supplicio-
rum generibus affecti sunt; sed eos Deus,
etiam corum Mundo ita extulit, ut illis ni-
hil gloriosius existat. Per mortis infamiam,
tamquam per solitudinem; per sanguinem,

Matth. 1.

19.

Matth.

27. 38.

440 Cap. XX. Aliquos, post mortem,
tamquam per mare rubrum, ducti sunt ad
vitæ gloriam in terra benedicta recipien-
dam.

§. VI.

*Innocentis innenis, suspensi in patibulo miracu-
losa conservatio.*

Hæc eos roborant ad patientiam, quisi-
ne sua culpa ab hominibus, quasi rei iudic-
antur, damnantur, proclamantur. Ad
quorum damnationem iniuste factam intel-
ligendam, etiam illud magnum pondus ad-
dit, quod neque in illis semper vera iudicia
fiant, qui publica autoritate, atque, ut ai-
unt, secundum allegata & probata dam-
nantur. Etsi enim tum magistratus iustitiam
non videt, sed faciat, quod leges iubent;
tamen non raro Mundi Gubernator falsos
testes sinit innoxij calumnias facere; ut
tamquam aurum in fornace probentur; at-
que ubi eorum manifesta sit innocentia, ho-
mines videant, quantum possit in alijs
iudicandis re ipsa errari. Neque enim mar-
tyres dum taxat, ob Christi religionem, ini-
què damnati sunt ad mortem, sed plurimi
quoque de furtis, de adulterijs, de latroci-
nijs, de veneficijs atque alijs vitijs grauissi-
mis falso accusati, ob delatorum malitiam,

&